

[1704]

ATTEST, AUSGESTELLT VON AMMANN UND RAT VON STADT UND AMT ZUG,  
 ÜBER DIE ADELIGE HERKUNFT VON BEAT KASPAR ZURLAUBEN,  
 [ANWÄRTER AUF DEN ST. MICHAELSORDEN]

---

s. AH 45/16 bis s. 2, Zeile 21: "... Noble et" ...

"attestation françoise pour les preuves de la famille Zurlauben".

---

Konzept-Reinschrift, von Beat Kaspar Zurlauben, mit einer wesentlich  
 später angebrachten Dorsualnotiz von Abbé **Beat Jakob Anton** Zurlauben.  
 AH 89, 12

1618 Mai 30.

A

BÜRGSCHAFTSBRIEF, AUSGESTELLT VON HANS RICKENBACH UND HANS  
 WIRTH, BEIDE VON WALTENSCHWIL, SOWIE HANS MEYER, VON  
 ALTHÄUSERN, FÜR ANDREAS MURER UND DESSEN BRUDER,  
 BEIDE VON WALTENSCHWIL

---

"Die Nachgenanten Hanns Rickennbach unnd Hanns Würth beid zuo Wall-  
 tenschwyl unnd Hanns Meyer zuo Allthüsern, all drey in Freyenn Aemb-  
 tern des Ergöws mit Huss gesessenn. Bekennend offentlich unnd thuond  
 Konndt mencklichen mit diserm brieff. Demnach der ... Andres Murer,  
 unnd syn Bruoder, ouch zuo Walltenschwyl, von dem ... Andresen Würthen  
 [=Wirth] daselbsten, bewüste gueter aberkaufft, unnd zuo synen Hannden  
 bezogen, wye dann derselbig Kauff vor gewonlichem Grichtsstab er-  
 scheint unnd gvertiget, da unnder anderm, gedachtem verkäuffer ange-  
 dinget, unnd zuogemuotet worden, das er seinen Käuffern, ob über kurtz  
 ollt lange Zyt, mehr dann vorzeigte beschwerdenn uff die verkaufften  
 gueter kommen unnd wachsen thetend, habliche Secher ollt nachwer-  
 schafft gebenn unnd stellenn sölle, damit Sy unnd die Jrigen Kein gvar  
 zuobesorgenn unnd zeförchtenn habind. Nun zuo erstattung söllichen ge-  
 dings unnd vorbehalts hat unns obgedachter verkäuffer Andres Würth  
 zuo rechten unverscheidenlichen Sechern unnd Thröstern gebetten unnd  
 erbetenn, wye dann wyr hieryn gutwillig unnd unbezwungenn gestann-  
 denn. Zeloben unnd versprechend deswegen sambt unnd sonnders für unns  
 unnd unnser ehrben, die wyr sambt unns harzuo verbindenn. Wann sich  
 begebe, das wye obgehört, über kurtz ollt lanng Zyt, mehr beschwer-  
 den, was auch beruren möchte, dann aber in beschlossnem Kauff ange-

melldt unnd vorzeigt wordenn, uff die verkaufften gueter Komend und gevordert wurdend, Selbige über unns Zenemmen, unnd sölliche gueter in unnsrem eignen, unnd ohne der Käuffern unnd Jrer ehrbenn costenn unnd entgeltens Zeledigen, frey unnd loos zemachen. Dergestalt unnd massen, das Sy sich begertter schadlos haltung nit zuerclagenn habind. By pfandtschaffter Jnsatzung aller unnsrerer ligendt unnd varennder, gegenwürtig unnd köfftiger haab unnd guetern, nützit usgenommen noch vorbehalten, zuoglych unnd nit weniger, dann were alles hierinn specificiert unnd begriffenn. Doch Boden unnd Vorzinsen, ouch elltere versatzungen ohne schadenn. Welliche unser aller Haab unnd gueter er Käuffer Andres Murer, syn Bruoder unnd Jre Erben, uff haltennde Sumnus angriffen unnd bekumben söllend unnd mögend, nach unnsers Dhwings unnd Amtsbruch [des Amtes Hermetschwil], vonn unns unnd unnsrerer ehrben gantz ungesundt unnd ungeihrt, davon ouch nit kommen noch ablassen, so vil unnd lanng, bis das Sy umb alle beschwernus, sambt abthrag costenns unnd schadenns vernuegt, abgricht unnd bezallt sind. Darvor unns sambt unnd sonders, ouch unsere ehrbenn, ligenndt unnd varennde, gegenwürtig unnd köfftige Haab unnd guetere nützit weder frieden, freyen, bedecken, schützen noch schirmen sol, kein gnad, freiheit, Gericht noch Recht, Geistlichs noch weltlichs, ouch sonst nützit überal, dann wyr unns deren ouch aller anndern gnaden, usflüchten unnd freiheiten gantzlich entzigend unnd begeben, ouch disern brieff wahr unnd stet zehalltenn, gelobt unnd versprochen, geverd unnd arglistigkeit hindann gesetzt.

Unnd dessen zuo wahren Urckonndt haben wyr ... mit ... ernst erbeten, den ... Hans Ulrichen Ellsiner [=Elsener], genannt Millt, des Raths zuo Glarus, der Zyt Lanntvogten der Freyen Aembtern Jn Ergöw, ... das er Amtshalben syn eigen Secret Jnnsigel ... offenndtlich getruckt hat uff disern brieff".

---

Original, Siegel abgefallen. Wohl aus dem Besitze vom Landschreiber der Freien Aemter, Beat II. Zurlauben.  
AH 89, 13-14 - Blatt 14<sup>r</sup> leer

[1656?]

"FIGURA MAGICA [DES PHILIPPUS AUREOLUS] THEOPHRASTI [BOMBASTI VON HOHEMHEIM, GEN. PARACELSUS, AUS] LIB. 10 F. 195"

---

Abbildung und Text s. Paracelsus/Opera<sup>1</sup> II, 596 Figur III. Es handelt sich hier in AH 89/9 um eine handschriftliche Kopie von Bild und Text.